
**ՄԻՄԵՈՆ ՐԱԲՈՒՆԱՊԵՏ ՏԱԹԵՎԱՑԻՆ
ԵՎ ՆՐԱ ԳՈՐԾՈՒՆԵՈՒԹՅՈՒՆԸ ՁԱԳԱՎԱՆՔՈՒՄ**

ԳԱՍՊԱՐՅԱՆ Ռ. Ռ.

Ձագավանք կամ Գետարգելի Մբ. Նշան վանքը գտնվում է պատմական Կոտայք գավառի Ձագ գյուղի հարավարևելյան բլրալանջին՝ ներկայիս Կոտայքի մարզի Առինջ գյուղից 2 կմ հյուսիս-արևելք: Գյուղի տեղադրության վերաբերյալ Ղևոնդ Ալիշանը նշում է. «մերձ ի Մէհուպ ի հարաւոյ կուսէ և յարևելից Պտղոմից-մղոնաւ կամ դոյզն ևս հեռի, առ եզերք Գըրգուլագայ յահեկէն, կայ միւս անուանի գիւղ առ Հինս՝ Ձագ»¹: Նա գյուղը հաճախ հիշատակում է «Ձագավանաց գիւղ» ձևով, իսկ վանական համալիրը՝ «Ձագավանքի սուրբ Նշան» անունով՝ կապված այստեղ պահվող Գետարգելի հռչակավոր հրաշագործ խաչի սուրբ մասունքի հետ. «անդ հանգուցանելոց զգերահռչակ Գետարգել խաչն, որպէս յիշի ի պատմութեան նշանին»²: Վանքը վիմագրերում հիշվում է նաև «Գետադարձի Մբ. Նշան» կամ «Գետարգելի Մբ. Նշան» անունով: Այն ինչպէս անցյալում, այնպէս էլ այժմ հայտնի ուխտատեղի է: Գյուղը մեծ ճանաչում է ստացել մենաստանի շնորհիվ: «Գետարգել-Գետադարձ» անվանումն անշուշտ խարսխված է սուրբ խաչի միջոցով Պետրոս Ա Գետադարձ (1019-1054) հայոց կաթողիկոսի արարած հրաշագործության ավանդության վրա, որի պատմությունը հետևյալն է. 1021-1022 թթ. Տրապիզոնում, հայ-բյուզանդական բանակցությունների ժամանակ Պետրոս կաթողիկոսը կայսր Վասիլ Բ-ի հետ կնքում է մի պայմանագիր, որի համաձայն Հովհաննես-Սմբատ Բագրատունի թագավորի մահից հետո Անին անցնելու էր բյուզանդական կայսրությանը: Այդ անցքերին քաջատեղյակ Արիստակես Լաստիվերտցին սրտի ցավով գրում է, թե «անդ եղև Հայոց կորստեան գիր և նամակ»³: 1022 թ. հունվարի 6-ին՝ Աստվածահայտնության տոնի օրը, կաթողիկոսը կայսեր և նրա մետրոպոլիտների ներկայությամբ ջրօրհնեքի արարողություն կատարելիս «ի ձեռն Սուրբ Նշանին» (Խաչի՝ «գետ արգել սբ. Նշանն» զորությամբ) կատարում է հրաշագործություն՝ կանգնեցնում, արգելում, հետ է դարձնում «զջուրն յորդահոս գետոյն հզարի արգելեաց յաշխարհն Յունայ ի ձեռն Սուրբ Նշանին»⁴: Ինչպէս Լաստիվերտցին է նկարագրել, «Ի յեղով հայրապետին զտէրունական իւղն ի ջուրսն, ցնցուղս լուսոյ ճառագայթից յանկարծակի ծագեաց ի ջուրցն զոր տեսին առ հասարակ ամենեսեան, և փառաւորեցին զԱստուածս և բարձրացաւ եղջիր հաւա-

¹ Ալիշան Ղ., Այրարատ Բնաշխարհ Հայաստանեայց, Վենետիկ, 1890, էջ 291:

² Նույն տեղում, էջ 291: Գետարգելի Սուրբ Խաչը՝ «ոսկեայ ակնակուռ զարդարուած, գտնուում է Էջմիածնայ թանգարանի մէջ, որ գործ է դրւում Մեռնօրհնութեան ժամանակ», Կ. Կոստանեանց, Հայոց վանքերը, 1886, էջ 79:

³ Պատմութիւն Արիստակիսի Լաստիվերտցոյ, աշխ. Կ. Ն. Յուզբաշյանի, Ե., 1963, էջ 31-32:

⁴ Տե՛ս Մատենադարան, ձեռ. N 4505, թ. 70:

տոյս մերոյ»⁵: Ժողովրդական այս պատումը, անշուշտ, ստեղծվել է մատենագիրների կողմից՝ փառաբանելով քրիստոնեական մեր հավատամքը՝ մեծարելով հայ եկեղեցու և նրա հովվապետի հեղինակությունը:

Մենաստանը եղել է միջնադարյան Հայաստանի Այրարատյան աշխարհի նշանավոր կրոնական, գիտակրթական և մշակութային կենտրոններից մեկը:

Ձագավանքի վանական միաբանության պատմությունը 1423-1424 թթ. մինչև 1428 թ. սերտորեն առնչվում է ժամանակի մեծ մտածող, հոգևոր ու կրթական գործիչ, ռաբունապետ, հմուտ գրիչ, ձեռագրերի պատվիրատու Միմեոն Տաթևացու գործունեության հետ: Վարդապետը հիշատակարաններում անվանվում է «Ամենագովելի և աստուածահաճոյ, սուրբ և քաջ հոռետորն և արիաջան ռաբունապետն, զմեծ վարդապետն մեր քաջ եկլեստիատէս Հայոց, որ փայլէր ի մէջ եկեղեցոյ իբրև զարեգակն»⁶: Պատանի Միմեոնը ուսանել է ծննդավայրի՝ Տաթևի հոգևոր կրթօջախում: 1400 թ. ընդօրինակված մի ձեռագիր հիշատակարանի համաձայն՝ «աշակերտ» Միմեոնը սարկավագ Երեմիայի գլխավորությամբ ընդօրինակում է «աստուածային գանձարանս, որ կոչի Մաշտոց»⁷ առաջնորդության «ուխտիս քաջ և արի հսկողի Գրիգորի Տաթևացոյ»⁸: Նա շատ պատկերավոր նկարագրել է ժամանակի դժվարին իրավիճակը. «անիշխանութեան աշխարհիս Հայոց, որում ի մեծ վտանգի կային քրիստոնեայք ի ձեռն այլազգեաց»⁹: Ամենայն հավանականությամբ, ուսումնառության շրջանում Միմեոնն աչքի է ընկել իր գրագիտությամբ և դրանով գրավել Գրիգոր Տաթևացու ուշադրությունը: Մեկ այլ հիշատակարանում՝ «Քաղուածոյ լուծմունք Սաղմոսաց Գրիգորի Տաթևացոյ», գրիչ Միմեոնը նշված է որպես մեծանուն իմաստասեր Գրիգոր Տաթևացու սան: Նա մեծ ակնածանքով է խոսում իր ուսուցչի մասին. «Ի թվիս հայոց ՊԾԶ(1406 թ.) ի սբ, աթոռս Եւստաթէի սբ. առաքելոյս, ձեռամբ բազմամեղ և սուտանուն Միմեոնի պիտակ բանասիրի, աշակերտի նորին Գրիգորի վեհափառ՝ առնողի գրոյս»¹⁰:

1409 թ. «ի վրդովմանց վերին աշխարհին» Գրիգոր Տաթևացին, վերցնելով իր տասներկու աշակերտներին, գնում է Քաջբերունյաց երկրի Սուրբ Մեծոփա վանք: Այդ աշակերտների թվում է նաև Միմեոն ռաբունապետը. «վարդապետք Միխթար Տաթևոյ, Յովանէս ի վանիցն Հերմոնի, Գալուստ ի Վաղընդու, Միմեոն ի Միւնեաց, Գրիգոր Արարատեան»¹¹: Հավանական է, որ Միմեոնը երկար չի մնացել Մեծոփա

⁵ Արիստակես Լաստիվերտցի, էջ 31, 32, **Ղանալանյան Ա.**, Ավանդապատում, Ե., 1969, էջ ԸԶ. Պետրոս Գետադարձ կաթողիկոսի մասին ստեղծված վերոհիշյալ գրույցի կապակցությամբ Ա. Ղանալանյանը գրում է, որ այստեղ «այլափոխված ձևով արձագանք են գտել կրոնական այն հավածանքները, որոնք կիրառվել են բյուզանդական կայսրերի կողմից հայերի նկատմամբ»:

⁶ ԺԵ դարերի հայերեն ձեռագրերի հիշատակարաններ, մասն Ա, կազմ. **Խաչիկյան Լ. Ս.**, Ե., 1953, էջ 561:

⁷ ԺԴ դարերի հայերեն ձեռագրերի հիշատակարաններ, կազմ. **Խաչիկյան Լ. Ս.**, Ե., 1950, էջ 632:

⁸ Նույն տեղում, էջ 632:

⁹ Նույն տեղում:

¹⁰ ԺԵ դարերի հայերեն ձեռագրերի հիշատակարաններ, մասն Ա, էջ 59:

¹¹ Մանր ժամանակագրություններ XIII-XVIII դդ., հ. II, կազմ. Հակոբյան Վ. Ս., Ե., 1956, էջ 352:

վանքում: Մեկ այլ ձեռագիր հիշատակարանում նա ողբում է ուսուցչի մահը՝ ասելով. «Յիշատակ քո արքիմոթեամբ եղիցի՝ սուրբ Հայր, որ յայսմ ամի վերափոխեաց զքեզ Քրիստոս ի դասս երջանիկ վարդապետաց և մեզ՝ ազգիս Հայոց մեծ սուգ եղև»¹²: Նա իր ուսուցչի մահից հետո՝ 1410-1411 թթ., թողնում է Տաթևի հոգևոր կրթօջախը և գալիս Այրարատ աշխարհ, ուր ստանձնում է Եղվարդի Սուրբ Նշան անապատի դպրոցի ուսուցչապետի պաշտոնը: Այդ կրթօջախի հովանավորներն էին «աստուածասէր, բարեպաշտ, ազատածին Ազիզպէկը»¹³ և իր որդիներ Ավագն ու Զաքարիան: Այրարատ նահանգում կային Սուրբ Նշան անվամբ բազմաթիվ եկեղեցիներ, ինչպես օրինակ՝ Հովհաննավանքում, Սաղմոսավանքում, Այրիվանքում, Զազավանքում և Եղվարդում (եռահարկ տաճարը):

Ինչպես գրում է Ղ. Ալիշանը, Սիմեոնը, թողնելով Տաթևի հոգևոր հաստատությունը, բնակվել է «աստուածաշէն և ի տիրախնամ գեղն Եղիւարդ, ի փոքր վանս»¹⁴: Հիշյալ անապատում բաբունապետ Սիմեոնի անմիջական ղեկավարությամբ Թումա գրիչն ավարտում է «Մեկնութիւն սաղմոսաց Գրիգորի Տաթևացոյ» աշխատության ընդօրինակումը, որի հիշատակարանում կարդում ենք. «աւարտեցաւ յանապատս, որ կոչի սուրբ Նշան առ ոսոս նորաբողոքոջ բաբունապետիս, որ կոչի Սիմեոն»¹⁵: Ըստ Գ. Հովսեփյանի՝ Սիմեոն բաբունապետի գործունեությունը Եղվարդի հոգևոր կրթօջախում տևել է 1394-ից մինչև 1414 թվականը¹⁶: Երկրորդ անգամ անդրադառնալով բաբունապետի գործունեությանը (այս անգամ Այրիվանքում)՝ հեղինակը նշում է ևս մեկ ժամանակահատված. «Աւելի իրազեկ ենք նորա տասնամեայ գործունէութեան Եղուարդում 1404-1414»¹⁷: Վերոհիշյալ մատենագրական վկայությունների ուշադիր քննությունը հնար չի տալիս միանշանակորեն ընդունել անվանի գիտնականի առաջարկած թվագրությունը¹⁸: Ուսումնասիրողներից Ս. Սաղումյանը կարծում է, որ Սիմեոնն ուսուցչապետ է դարձել 1406 թ. ոչ շուտ, և որ տասնվեցամյա պատանին չէր կարող ստանձնել Եղվարդի դպրոցի բաբունապետի պաշտոնը¹⁹: 1400 թ. ընդօրինակված «Մաշտոցի» հիշատակարանի վկայությամբ Սիմեոն Տաթևացին աշակերտական առաջին քայլերն անում է Տաթևի կրթօջախում՝ սարկավագ Երեմիայի վերահսկողությամբ հմտանալով գրչության արվեստում: Իսկ «Գիրք հարցմանց Գրիգորի Տաթևացոյ» ձեռագրում Սիմեոնը հիշված է որպես սպասավոր-աշակերտ: Տվյալ հիշատակարանի գրիչներն են Սիմեոն Տաթևացին և Գալուստ վարդապետը. «Ի

¹² ԺԵ դարերի հայերեն ձեռագրերի հիշատակարաններ, մասն Ա, էջ 109:

¹³ Նույն տեղում, էջ 561, **Ալիշան Ղ.**, Հայապատում, Վենետիկ, 1901, էջ 569:

¹⁴ Նույն տեղում, էջ 561, **Ալիշան Ղ.**, նույն տեղում, էջ 569:

¹⁵ Նույն տեղում, էջ 561, **Ալիշան Ղ.**, նույն տեղում, էջ 569:

¹⁶ **Յովսէփեան Գ.**, Ազիբեկեանք և նրանց շինարարական գործը, (Պատմա-Հնագիտական ուսումնասիրություն), Բանբեր Հայաստանի գիտական ինստիտուտի, Գիրք Ա և Բ, 1921-1922, էջ 194:

¹⁷ **Յովսէփեան Գ.**, Խաղբակեանք կամ Պռոշեանք հայոց պատմութեան մէջ, մասն երկրորդ, Երուսաղէմ, 1942, էջ 120-122:

¹⁸ ԺԵ դարերի հայերեն ձեռագրերի հիշատակարաններ, մասն Ա, էջ 57-58:

¹⁹ **Սաղումյան Ս.**, Սիմեոն բաբունապետ Տաթևացի (ՀՀ ԳԱԱ, Լրաբեր, 1975, N 6, էջ 77-89): Փաստենք, որ Սիմեոնի բաբունապետ դառնալու տարեթիվը ստույգ հայտնի չէ:

թուաբանութեան Հայոց Մեծաց ՊԾԲ (1403) մեք աշակերտք բանի՝ Միմեոն սպասաւոր և Գալուստ պիտակ վարդապետ»²⁰: Վարդապետական տիտղոսով է հիշվում նաև «Քաղուածոյ Լուծմունք Սաղմոսաց Գրիգորի Տաթևացոյ» ձեռագրում. «ի թուխ ՊԾԵ Միմեոն բազմամեղ վարդապետի»²¹: Այս վկայություններից կարելի է եզրակացնել, որ Միմեոնին ռաբունապետության կոչում է շնորհվել 1403-1406 թթ. ընկած ժամանակահատվածում: Գրիչ Հովհաննէս Մոկացու ընդօրինակած «Գիրք Հարցմանց Գրիգորի Տաթևացոյ» ձեռագրի վկայությամբ Միմեոնը վարդապետ տիտղոսով հիշվում է Հունան աշակերտի հետ, որից հետևում է, որ նա ուսուցչապետական գավազան և հոգևոր տիտղոս ստացել է ավելի վաղ՝ մեկ կամ երկու տարի առաջ: Նա քաջահմուտ է եղել գրչության արվեստի և բանասիրության մեջ, ուստի նրան վստահել են աշակերտ ունենալու և ուսուցանելու պատասխանատու գործը: Այդ տիտղոսով ռաբունապետը երկիցս հիշվում է «Քաղուածոյ Լուծմունք սաղմոսաց Գրիգորի Տաթևացոյ» հիշատակարանում. «գապիկար և գտրուպ գծողս զՄիմեոն մեռեալ ոգի վարդապետ» ու «ողորմեա ստացողի և գրողի սորին Միմեոն մեռեալ ոգի վարդապետ»²²: Տաթևի դպրատանը Միմեոնը ոչ միայն ուսանել է, այլ նաև հմտանալով գրչության արվեստի մեջ՝ մեծ համբավ է ձեռք բերել և անգամ ունեցել է հետևորդ աշակերտ. «Հայոց ՊԾԵ. Ես Միմեոն վարդապետն և գՅունան աշակերտն, որ զօրինակն մեզ շնորհեցին»²³:

Ս. Սաղումյանը այն կարծիքն է հայտնել, թե Միմեոնը Եղվարդի հոգևոր դպրոց պետք է եկած լինի 1410 թվից ոչ շուտ: Հենվելով 1444 թ. մի հիշատակարանի «ամս տասն» արտահայտության վրա՝ հեղինակը կարծում է, որ Միմեոն Տաթևացին Եղվարդի կրթօջախում վարդապետական գործունեություն է ծավալել մինչև 1420 թվականը²⁴: Համամիտ ենք հեղինակին, քանզի հիշատակարանի «առ ոտն նորաբողոք ռաբունապետիս» արտահայտությունը, մասնավորապես «նորաբողոք» որոշյի առկայությունը, թույլ է տալիս ենթադրելու, որ Միմեոնը ոչ վաղ անցյալում պետք է ստացած լիներ «րաբունապետի» կոչումը: Եղվարդի հոգևոր դպրոցում նա ուսուցանում էր քերականություն, պատմություն, գրչության արվեստ և «գիհին և նոր մատեան աստուածաշունչ գրոց, գնուրբ և զարտաքին փիլիսոփայութիւն, ամս տասն»²⁵: 1413 թ. «նորաբողոք» ռաբունապետ Միմեոնի մոտ՝ Եղվարդի հոգևոր կրթօջախում, գրիչ Հովհաննէս Երզնկացին ավարտում է «Մեկնութիւն սաղմոսաց և Մատթեոսի աւետարանին Գրիգորի Տաթևացոյ» աշխատության օրինակումը, որը նախաձեռնել էր «մասն ինչ Եւստաթէի, մասն ինչ ի վանս Հերմոնի, առ ոտս ռաբունուն Յովհանիսի, և մասն ինչ ի վանս Եղևարդեայ»²⁶: Հաջորդ 1414 թ. նույն Հերմոնի վանքում Գրիգոր գրիչը սկսում է «Գիրք հարցմանց Գրիգորի Տաթևացոյ» ձեռագրի ընդօրինակումը, որն ավարտում է «ի գաւառս Արարադեան,

²⁰ ԺԵ դարերի հայերեն ձեռագրերի հիշատակարաններ, մասն Ա, էջ 33-34:

²¹ Նույն տեղում, էջ 59:

²² Նույն տեղում, էջ 58, 59:

²³ Նույն տեղում, էջ 58:

²⁴ Սաղումյան Ս., նշվ. աշխ., էջ 77-86:

²⁵ ԺԵ դարերի հայերեն ձեռագրերի հիշատակարաններ, մասն Ա, , էջ 561:

²⁶ Նույն տեղում, էջ 143:

ի գեղաքաղաքս յԵդիվարդ, ի վանքս սուրբ Յակոբ, առ ոտս երջանիկ պետին Սիմեոն րաբունի»²⁷:

1415 թ. Սիմեոն րաբունապետն այցելում է Հերմոնի դպրեվանք, որը հայտնի էր որպես գրչության մեծահամբավ կենտրոն, և գրիչ Գրիգորին պատվիրում օրինակել «Մեկնութիւն երկոտասան մարգարեից Ներսիսի Լամբրոնացոյ» աշխատությունը²⁸: Սիմեոնը մտադրվում է այցելել սուրբ քաղաք՝ Երուսաղեմ: Թե որ թվականին է նա մեկնել Երուսաղեմ, ստույգ հայտնի չէ: 1419 թ. Եդվարդի Սբ. Հակոբ վանքում «իշատակ սրբասնեալ կրօնաւորի Սիմեոնի սպասաւորի բանի» Բարսեղ գրիչը ընդօրինակել է երկու ձեռագիր՝ «Քարոզգիրք Գրիգորի Տաթևացոյ» և «Բառգիրք»: Սույն հիշատակարանները վկայում են, որ այդ թվականին Սիմեոնը գործում էր Եդվարդում: Հավանաբար, 1420-1421 թթ. նա գնում է Երուսաղեմ և վերադարձին տկարության պատճառով բնակություն հաստատում «մեծափառ ուխտն Այրիվանս»²⁹: Մեծ «յուսով և եռափափագ սիրով» րաբունապետը սկսում է նորոգել և զարդարել «զվանորայս Արարատեան նահանգիս»³⁰:

Ա. Մովսիսյանը, հետևելով Գ. Հովսեփյանին, գտնում է, որ րաբունապետը, ավարտելով Տաթևի «Բարձր դպրոցը», ստացել է վարդապետական աստիճան և գնացել Այրիվանք՝ դասավանդելու: Հեղինակի կարծիքով, «մինչև երկրորդ անգամ Տաթև գնալը, Սիմեոնը եղել է Այրիվանքում, որից հետո գնացել Տաթև իր ուսումը կատարելագործելու»³¹: 1444 թ. ընդօրինակված Յայսմավուրքի հիշատակարանի «դարձեալ եկն» արտահայտությունը Ա. Մովսիսյանն ընկալել է «կրկին եկավ», մինչդեռ պետք է լիներ՝ «դարձավ եկավ, հետ եկավ, վերադարձավ»³²: Հարցը փակված կհամարվեր, եթե մեծանուն հայագետ Հր. Աճառյանը, որից, անշուշտ, օգտվել է Ա. Մովսիսյանը, չգրեր, թե «Սիմեոն վարդապետ Այրիվանեցին 10 տարի ուսուցանում էր Եդվարդի փոքր վանքում, ապա եղավ առաջնորդ Այրիվանքի, գնաց Երուսաղեմ ուխտի, վերադարձին մի ժամանակ նստավ Այրիվանքում»³³: Վերը նկատեցինք, որ 1400 թ. մինչև 1409 թ. Սիմեոնը գտնվում էր Տաթևի հոգևոր դպրատանը: Համաձայն Յայսմավուրքի՝ նա «ուշ եղեալ գնալ յաստուածակոխ սուրբ քաղաքն Երուսաղեմ՝ տեսանել և երկիր պագանել սուրբ տնօրինականացն տեառն մերոյ Յիսուսի Քրիստոսի և ի ճանապարհի տկարութիւն պատահեալ՝ դարձեալ եկն բնակեցաւ ի մեծափառ ուխտն յԱյրիվանս»³⁴: Արդյոք Սիմեոն Տաթևացին ուսումնառության տարիներին՝ 1400-1403 թթ. հետո, եկել է Այրիվանք՝ ուսուցչական գործունեության, և ապա նորից վերադարձել Տաթև՝ ուսումը

²⁷ Նույն տեղում, էջ 163:

²⁸ **Ալիշան Ղ.**, Սիսական, Վենետիկ, 1893, էջ 125, ԺԵ դարերի հայերեն ձեռագրերի հիշատակարաններ, մասն Ա, էջ 163:

²⁹ ԺԵ դարերի հայերեն ձեռագրերի հիշատակարաններ, մասն Ա, էջ 561:

³⁰ Նույն տեղում, մասն Ա, էջ 560, **Ալիշան Ղ.**, Հայապատում, էջ 569:

³¹ **Մովսիսյան Ա. Խ.**, Ուրվագծեր հայ դպրոցի և մանկավարժության պատմության (X-XV դդ.) Ե., 1958, էջ 267-270:

³² **Աճառյան Հր.**, Հայերենի արմատական բառարան, հ. Ա-Դ, Ե., 1971, էջ 639:

³³ **Աճառյան Հր.**, նշվ. աշխ., հ. Դ, Ե., 1948, էջ 509:

³⁴ ԺԵ դարերի հայերեն ձեռագրերի հիշատակարաններ, մասն Ա, էջ 560-562:

շարունակելով, հայտնի չէ: Ինչպես վերը նկատեցինք, Միմեոն Տառնագին ուսումնառության ընթացքում այնպես է հմտանում գրչության արվեստում, որ համալսարանի վերատեսուչ Գրիգոր Տառնագին նրան հանձնարարում է օրինակել, և հենց ինքն էլ ստացողն է «Քաղուածոյ լուծմունք Սաղմոսաց Գրիգորի Տառնացոյ» ձեռագրի: Ակադ. Լ. Ս. Խաչիկյանը, համառոտ նկարագրելով Միմեոն ընթերցանականի կյանքն ու գործունեությունը, նկատում է, որ նա «սովորել է Տառնում և 1403, 1406 թթ. այնտեղ օրինակել երկու ձեռագիր, իսկ 1415-1419 թթ. դասավանդել է Եղվարդի վանքում»³⁵: Հեղինակի վերջին եզրահանգմանը չենք կարող համաձայնել, քանի որ, ինչպես վերը նկատեցինք, իրողությունը փոքր-ինչ այլ է:

Այրիվանքում ընթերցանականի առաջին գործն է լինում իսկույն վերականգնել «զամենայն կարգս և զսահմանս ուղղեաց ըստ առաջին սուրբ հարցն»: Եկեղեցու արարողակարգում նա սահմանում է «անխափան կատարել զաստուածային պատարագն ի շաբաթ և ի կիրակեի, և ասել ՃԾ սաղմոս Դավթի»³⁶: Միայն Ղ. Ալիշանն է հիշատակում, որ Այրիվանքում ընթերցանականը եղել է վանքի առաջնորդ. «առաջնորդն Այրիվանքի»³⁷: Ցավոք, մեծանուն հայագետը չի նշում, թե ինչ աղբյուրից է քաղել այս վկայությունը:

Գ. Հովսեփյանը Միմեոնին ծնունդով համարում է Տառնից, բայց նկատում է, որ ընթերցանականի «Այրիվանքի» մականունը փաստում է նրա Այրիվանքում ստեղծագործական արգասաբեր գործունեության ծավալման մասին: Հիշյալ մենաստանում անժխտելի են ընթերցանականի մեծածավալ աշխատանքները: Նա այնտեղ օրինակել է մի «պատուական» Աստվածաշունչ, մի Տոնական և մի Ցայսմավորք³⁸: Դավիթ Բաղիշեցու ժամանակագրության (XVII դ.) մեջ Միմեոն ընթերցանականը հիշվում է «Միմեոն ի Միմեաց» ձևով³⁹: Ս. Սաղումյանը, ելնելով 1444 թ. հիշատակարանի վկայությունից՝ «կեցեալ սուղ ինչ ժամանակ (Այրիվանքում - Ռ. Գ.), ապա եկեալ բնակեցաւ ի սուրբ ուխտն Չագավանք», գտնում է, որ այս հանգամանքն ամենին թույլ չի տալիս ընթերցանականին կոչելու Այրիվանքից կամ Այրիվանքի ուսուցչապետ⁴⁰: XV դ. սկզբին Չագավանքում բուն էին դրել բազմաթիվ «անկարգութիւն և անօրինութիւն»: Միաբանության սպասավորները, մոռանալով սաղմոս ու շաբաթական, տարվել էին աշխարհիկ գայթակղություններով⁴¹: Նույն 1444 թ. հիշատակարանի վկայությամբ Կոտայք գավառում Միմեոն ընթերցանականը վճռականությամբ ձեռնամուխ է լինում վերստին վերականգնելու «զամենայն սահմանս և զկարգս վանիցն ուղղեաց ըստ առաջնոցն», «ամենայն բարի կարգս և

³⁵ Նույն տեղում, էջ 784:

³⁶ Նույն տեղում, էջ 560:

³⁷ Ալիշան Ղ., Այրարատ, էջ 197:

³⁸ Ցովսեփեան Գ., Ազիբեկեանք և նրանց շինարարական գործը, էջ 194:

³⁹ Մանր ժամանակագրություններ, XIII-XVIII դդ., հ. II, էջ 352:

⁴⁰ Սաղումյան Ս., նշվ. աշխ., էջ 85:

⁴¹ ԺԵ դարերի հայերեն ձեռագրերի հիշատակարաններ, մասն Ա, էջ 562, Ալիշան Ղ., Հայապատում, էջ 569-570:

օրենս», ինչպես կային «ի սահմանաց և ի կրօնից յառաջին»՝ կյանքի կոչելով «զայծառ ջահն հաւատոյ և զանդրդուելի սին եկեղեցոյ»⁴²:

Ըստ Ս. Սաղումյանի՝ Սիմեոն Տաթևացին Չագավանք պետք է եկած լինի 1425-1426 թթ., որովհետև 1425 թ. ընդօրինակված ձեռագիր հիշատակարանի տեղեկատվությամբ Չագավանքի առաջնորդն էր տեր Դավիթը⁴³: Թեև ուսուցչապետի գրիչն ավելի բեղմնավոր է Այրիվանքում, որով պատմության մեջ նա հորջորջվում է նաև «Այրիվանեցի» մականունով, այնուամենայնիվ, ըստ վերոհիշյալ հիշատակարանի, գիտնականն այնտեղ ապրել է «սուղ ինչ ժամանակ»: Ուստի կարծում ենք, որ Սիմեոն Տաթևացին ավելի վաղ է տեղափոխվել Չագավանք: Ըստ այդմ էլ նրա ձագավանյան տարիներն ավելի երկար են տևել՝ մինչև 1428 թ. մահկանացուն կնքելը: Հավանական է՝ Սիմեոն ըաբունապետը թե՛ Այրիվանքում և թե՛ Չագավանքում վանահոր պաշտոն չի վարել, քանի որ 1427թ. գրված «Ժամագիրք և Պատարագամատոյց»-ի հիշատակարանում՝ Չագավանքի առաջնորդ է հիշվում Սարգիս վարդապետը⁴⁴: Այդ տարիներին, ապրելով և ստեղծագործելով Չագավանքում, Սիմեոն ըաբունապետը ձեռնարկում է մի շարք գործեր: Նա 1426 թ. Անիի Հովհաննես եպիսկոպոս գրիչին պատվիրել է օրինակել մի «Աստուածաշունչ»⁴⁵:

1427թ. Չագավանքում Սիմեոն Տաթևացին ավարտում է մի «Յայսմաուրք» և նվիրում Հովհաննավանքի Սուրբ Կարապետ եկեղեցուն: Այդ առիթով Հովհաննավանքի եկեղեցու ավագ խորանի պատին փորագրված է ըաբունապետի հիշատակը հավերժացնող վկայագիր, ուր ըաբունապետը պատգամում է. «Որքան իմ գիրքս կայ հանապազ զայս կարդան ի յատենիս»⁴⁶: Արձանագրության բովանդակությունից դատելով՝ Ս. Սաղումյանը եզրակացնում է, որ հիշատակագրի տեքստը կազմել է հենց նվիրատուն՝ Սիմեոն ըաբունապետը⁴⁷: Վիմագրում նա համեստաբար հանդես է եկել «պիտակ» մականունով. «ԹՎ. ՊՀԶ շնորաք սբ երրորդութեն ես պիտակ վարդապետ Սիմեոն, ընծանցի զիմ նորընծա Յայսմաուրքս սբ.Կարապետիս վասն փրկութեն հոգոյ իմոյ»⁴⁸: Պիտակ անվանը նույն իմաստն ունի, ինչ տրուպ բառը, որը նշանակում է փոքր, նվաստ, կրտսեր, հետին⁴⁹: Հնագետ-վիմագրագետ Կ. Ղաֆադարյանը վերծանել և հրատարակել է սույն նվիրատվական վավերագիրը՝ շտկելով նախորդ հրատարակիչների անճշտություններն ու բացթողումները: Հեղինակն անձնանունների ցանկում ըաբունապետին Այրիվանեցի է կոչել⁵⁰: Նմանատիպ նվիրատվական մի արձա-

⁴² ԺԵ դարերի հայերեն ձեռագրերի հիշատակարաններ, մասն Ա, էջ 562:

⁴³ Մանր ժամանակագրություններ, XIII-XVIII դդ., հ. II, էջ 352:

⁴⁴ ԺԵ դարերի հայերեն ձեռագրերի հիշատակարաններ, մասն Ա, Ե., էջ 336:

⁴⁵ Նույն տեղում, էջ 355: Այս հիշատակարանն անթվական է, և Լ.Ս.Խաչիկյանը այն տեղադրել է «նույն Յովհաննես եպիսկոպոսի 1426 թ. հիշատակարանին առնթեր»:

⁴⁶ Ղաֆադարյան Կ., Հովհաննավանքը և նրա արձանագրությունները, Ե., 1948, էջ 59:

⁴⁷ Սաղումյան Ս., նշվ. աշխ., էջ 84:

⁴⁸ Ղաֆադարյան Կ., նշվ. աշխ., էջ 59:

⁴⁹ Ավագյան Ս., Վիմական արձանագրությունների բառաքնություն, Ե., 1978, էջ 56-57:

⁵⁰ Ղաֆադարյան Կ., նշվ. աշխ., էջ 64:

նագրություն է պահպանվել նաև Գեղարդավանքում՝ Պապաքի վիմափոր ժամատան հարավարևելյան պան վրա. «Սուրբ Նշան տերունական Միմեոն վարդապետին լեր պահապան, Հոգւոյ նորա պատսպարան...»⁵¹, որի տեքստը նման է նախորդին, սակայն դժվար է հետևեցնել, թե այն նույնպես կազմել է ռաբունապետը:

Ձագավանքի հոգևոր և կրթամշակութային կենտրոնում Միմեոն ռաբունապետը կատարում է մի շարք վերափոխումներ: Առաջինը՝ խստագույնս բացառում է մենաստանում ազգակցական, խնամիական կապերի դրսևորումը: Երկրորդ՝ քահանաներին արգելում է կրել զանազան հագուստներ, որոնցով նրանք դարձել էին «իբրև այլ ազգի»: Արեղաներին, որոնք մոռացել էին հոգևոր ուսմունքը, թողել վանքն ու մենաստանը և գիշերում էին իրենց գյուղերում, իբրև «կանոնս և օրէնս» վճռականապես պարտադրում է բնակվել վանքում իրենց հանդերձանքով՝ «բրդեղէն, մաշկեղէն կամ մազեղէն՝ ըստ առաջնոյն»⁵²: Բաբունապետը «աստուածային վարդապետութեամբ» սաստում և հանդիմանում էր տգետ ու անխրատ վանականներին, խրախուսում ու գովաբանում բանիմաց հոգեվորականներին: Արգելում է «սանամոր ու մայրաքրոջ» ներկայությունը վանքում, խստացնում միաբանության առօրյան: Նրա արգասաբեր գործունեության մասին է վկայում ձեռագիր հիշատակարանը. «Եբարձ զամենայն խռովութիւն ի տանէ աստուծոյ»⁵³: Միմեոն ռաբունապետը պարսպապատում է վանքը: Միաբանների համար կառուցում է սեղանատուն: Վանքի շրջակայքում մենաստանի սպասավորների համար կառուցում է քնարաններ՝ «ամառան և ձմռան» համար: Պարսպի ներսում պատվիրում է կանգնեցնել հինգ մեծամեծ խաչքարեր, որոնք այժմ խոնարհված են և ջարդված: Մեծանուն ռաբունապետը ցանկացել է նաև կառուցել մի եկեղեցի, որը, ցավոք, չի իրականացրել մահվան պատճառով⁵⁴: Միմեոն ռաբունապետի դամբարանը գտնվում է Ձագավանքում, որի վրա այսօր կառուցվել է կոպտատաշ քարերով մի շինություն: Հնավայրում նրա անվամբ կանգնեցվել է նաև մի խաչքար, որի հողմահարված զարդաքանդակները հիշեցնում են կատարողական բարձրարվեստ վարպետության մասին: Խաչքարը նախկինում պետք է որ դրված լիներ հանգստարանին՝ տապանաքարին կից, սակայն այսօր տեղահանված է և գտնվում է VII դարի Սուրբ Նշան եկեղեցու մուտքի մոտ: Այն կեսից վեր կոտրված է: Կոթողի վարդյակից ներքև փորագրված է երկտող հանգավոր արձանագրություն.

Ս[ՈՒՐ]Բ ՆՇԱՆՍ Տ[Է]ՐՈՒՆԱԿԱՆ: ՏԻՊ ԵՒ ՊԱՏԿԵՐ ԱՆԵՂԱԿԱՆ ՍԻՄԷՈՆ ԲԱԲՈՒՆԱՊԵՏԻՆ ԼԵՐ ՔԱՎԱՐԱՆ: ԹՎ[ԻՆ] ՊՀԷ (1428)⁵⁵:

⁵¹ Յովսեփյան Գ., Խաղբակեանք կամ Պոռշեանք Հայոց պատմութեան մէջ, մասն երկրորդ, Երուսաղէմ, 1942, էջ 120-122, Ալիշան Ղ., Այրարատ, էջ 342: Արձանագրությունը թվական չունի և ըստ Ս. Մաղումյանի՝ «Ժամանակը պետք է համարել 1420-ական թվականների առաջին կեսը» (Մաղումյան Ս., նշվ. աշխ., էջ 83):

⁵² ԺԵ դարերի հայերեն ձեռագիր հիշատակարաններ, մասն Ա, էջ 561, Ալիշան Ղ., Հայապատում, էջ 569:

⁵³ Ալիշան Ղ., Հայապատում, էջ 561-569:

⁵⁴ ԺԵ դարերի հայերեն ձեռագիր հիշատակարաններ, մասն Ա, էջ 562:

⁵⁵ Մաղումյան Ս., նշվ. աշխ., էջ 86:

Երկթեք տապանաքարի վրա վայելչագիր մեծադիր տառերով, բազմաթիվ կցագրերով փորագրված է մեկ տող արձանագրություն.

[Ա]Յ[Ս] Է ՀԱՆԳԻՍՏ ԵՒ ՎԵՄ ԻՄԱՍՏՈՒՆ ՔԱԶ ՍԻՄԻՈՆ

ԲԱԲՈՒՆԱՊԵՏԻՆ, ԹՎ[ԻՆ] Պ[ՀԷ] (1428):

Այսպիսով, Սիմեոն բաբունապետը մատենագրության մեջ հիշվում է Այրիվանեցի, Տաթևացի և Սյունեցի մականուններով: Նա ծնվել և մեծացել է Սյունյաց աշխարհում՝ «գաւառաւ էր Սիւնեցի և բնակութեամբ էր յաթոռոյն Եւստաթէի»⁵⁶, գիտական ու հոգևոր մկրտությունը ստացել է Տաթևի հոգևոր դպրատանը և ճիշտ կլիներ նրան ճանաչել Տաթևացի կամ Սյունեցի մականունով, որպիսին նշվում է մի շարք հիշատակարաններում: Սակայն, պայմանավորված Այրիվանքում նրա ունեցած բեղուն գործունեությամբ, բաբունապետը հայտնի է «Այրիվանեցի» անվամբ⁵⁷:

РАБУНАПЕТ СИМЕОН ТАТЕВАЦИ И ЕГО ДЕЯТЕЛЬНОСТЬ В МОНАСТЫРЕ ДЗАГАВАНК

ГАСПАРЯН Р. Р.

Резюме

Известный духовный деятель Армении XIV-XV вв., церковный учитель и наставник Симеон архимандрит Айриванеци получил образование в Татевском монастыре, у известного в средневековой Армении философа и духовного деятеля Григора Татеваци. В 1403–1406 гг. Симеон, получив сан архимандрита, служил вначале при монастыре св. Акопа в Егварде – в духовной семинарии св. Ншан, затем – в монастыре Айриванк, а последние годы жизни провел в монастыре Дзагаванк, став духовным лидером этой известной школы.

Исследование исторических материалов явствует о том, что Симеон Айриванеци ни в Айриванке, ни в Дзагаванке не был предводителем монастырской конгрегации.

⁵⁶ ԺԵ դարերի հայերեն ձեռագիր հիշատակարաններ, մասն Ա, էջ 175:

⁵⁷ «Ցուցակ ձեռագրաց Մաշտոցի անվան մատենադարանի», հ. Ա, կազմեց Եզանյան Օ., Զեյնունյան Ա., Անթարյան Փ., Ե., 1965, էջ 478, 541, 1609: